



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Militen. Episcopo.

**urn:nbn:de:hbz:466:1-20006**

AYMONI DECANO MATISC.

& scientia meritis nobis & fratribus nostris carus sit admodum & acceptus, pro ipso literas vobis duximus apostolicas destinandas; rogantes, monentes, & exhortantes in Domino, ac per apostolica vobis scripta mandantes, quatenus, cum in Ecclesia vestra certus non sit numerus praebendarum, eum in fratrem & Canonicum vestrum ob reverentiam apostolicae sedis & nostram libera-liter admittatis, prabendam sicut uni ex vobis, ipsi vel procuratori suo absque dilationis tedium conferentes: primitias precum nostrarum taliter audituri quod propter hoc vobis denuo scribere non cogamus: scituri quod sicut nostrae intentionis existit nihil praecipere in honorem, sic non relinquemus quod manda-verimus imperfectum, nec contemptum nostrum tolerabimus patienter. Datum Romae apud sanctum Petrum, X. Kal. Iulij &c.

EPISCOPO ET DECANO  
Matisconen.

*Epist. 305.  
Major & sanior Capituli  
pars in statuendo prevalebat.*

**O**fficium injuncta administratio-nis exigit ut de statu Ecclesiarum curam gerere debeamus, & quae minus ordinata fuerint, per studium nostra sollicitudinis, prout congruum fuerit, ordinentur: quatenus personis idoneis substitutis in eis, & cunctis juxta normam constitutionis Ecclesiae recte dispositis, divinae laudis obsequia ibi dignè valeant exerceri. Ex tenore siquidem literarum vestrarum nobis innotuit quod cum in Ecclesia vestra necessitas exigit aliquid ordinari, vel emendari quod minus canonice noscitur attentatum, quod a maiori parte Capituli provido consilio disponendum fore censemur, duo vel tres ex ipsis Canonici motum animi sui sequentes, suam contradictionem oponunt, & ita communem utilitatem & Ecclesiae profectum non metuunt impedire. Nos igitur Ecclesiae vestra utilitatibus pro-videre volentes, discretioni vestrae praesenti pagina indulgemus ut vobis liceat de afferu majoris & sanioris partis Capituli, paucorum contradictione seu appellatione nequaquam obstante, corrigerem (nisi juxta constitutionem Lateranen. Concilij ab eis rationabile aliquid objecsum fuerit & ostensum) qua in Ecclesia vestra corrigenda emerserint, & statuere quae fuerint statuenda. Nulli ergo &c. Datum Romae apud S. Petrum, V. Kal. Iulij &c.

AYMONI DECANO MATISC.

**C**um antiqui hostis fallax suggestio fragilitatem conditionis humanae saepius ad illicita declinare compellar, & quanto magis dolet de reparatione humani generis, tanto efficacius ipsum captivare laboret, contra ipsius astutiam cura debemus insistere diligenter, & illos quos fraudis sua laqueo nititur impedit, affectione omnimoda ad justitiae semitam revocare. Quoniam igitur quidam, ut audivimus, spiritu malignitatis inducti, Ecclesiarum bona rapere, homines earum capere, sacrilegia etiam committere, & multa alia damna eisdem non metuunt irrogare, praesenti tibi pagina indulgemus ut malefactores Matisconen. Ecclesiae, si tamen ei sint dioce-sana lege subjecti, nisi ad diligentem motionem tuam satisfactione se digna correxerint, nullius contradictione vel appellatione obstante per censuram ecclasiaticam valeas coercere. Nulli ergo &c. Datum ut supra.

MILITEN. EPISCOPO.

**E**xposuisti nobis in nostra praesentia constitutis quod I. quondam praedecessor tuus Ph. in Abbatem promovit, ne sciens quod ipse manu effaserat altera mutilatus. Quia vero Abbas ipse noscitur sinistra carere, quid super hoc agendum sit, nostra voluisti responsione doceri. Nos igitur fraternitati tua taliter respondemus, quod cum pro tam enormi defectu ad sacros non possit ordines promoveri, & ipse in promotione sua id tacuerit fraudulenter, ab officio est non immerito amovendus. Datum Romae apud S. Petrum, V. Kal. Iulij &c.

SENONENSI ARCHIEPISCOPO.

**E**x parte venerabilis fratris nostri R. Lugdunen. Archiepiscopi literas accepimus continentis quod cum R. quondam Archidiaconus Lugdunensis multa enormia commisisset, in ipsum exigentibus meritis mandati apostolici auctoritate recepta sententiam excommunicationis inject, & eundem officio beneficio que privavit. Verum quia (sicut tam idem Archiepiscopus quam multi alii per suas nobis literas intimarunt) predictus R. quoniam ei dedit vexatio intellectum, desiderat satisfacere

*Epist. 306.  
Ut facile legi &  
rapto bonorum  
Ecclesie coegerantur,*

*Epist. 307.  
Abbas ob gra-  
ven corporis  
defectum amo-  
veratur.  
Cap. Expofuisti.  
De corpore vi-  
tatis.*

*Epist. 308.  
De penitentia  
& absolutione  
Archidiaconi  
Lugdunensis.*